



LEONARDO PANALIGAN COMMAND - NEW PEOPLE'S ARMY - CENTRAL NEGROS



Dili babag ang katigulangan
sa pagpasakop sa
Bagong Hukbong Bayan
-Ka Vador, 58 anyos

page 15

SA PULANG ESKWELAHAN
BKP ug BKPM madinalag-on
nga gintigayon

page 5

MGA BALITA SA LARANGAN
Bungalan sa Central Negros,
Nagmadinalag-on

page 13

REBOLUSYONARYONG KULTURA
Sa Yuta, Ikaw Mag-uuma Nabuhi
Tula ni Ka Bastian

page 18



Masingki nga Militarisasyon sa Larangang Gerilya Labi nga Paslawon kag Himuslan ang Paborable nga Sitwasyon

Bilog nga tuig sang 2013, ang bug-os nga Larangang Gerilya nag-atubang sang lapnagon nga militarisasyon nga nagresulta sang mga asud-asod nga engkwentro sa mga platun sang BHB sa Central Negros. Kongkreto nga hitabu ang engkwentro sadtong tungatunga nga bahin sang tuig 2013 sa Sityo Binobohan Gamay, Barangay Binobohan, Guihulngan, Negros Oriental kag 3rd Quarter sa sini man nga tuig kag ang natabu nga engkwentro sa tunga sang BHB kag AFP sa Sityo Pinasagan, Barangay Linantuyan, Guihulngan, Negros Oriental. Kadungan man sini ang pagpwesto sang Peace and Development Team (PDT) sa mga border sang Trinidad-Binobohan, Bulado-Tacpao, Planas-Humayhumay, Sandayao-Imelda, Banwage-Balogo kag Hinakpan-Plagatasanon tanan sang Guihulngan City, Negros Oriental. Samtang padayon man ang PDT sa Barangay Puso, La Castellana kag Barangay San Agustin, Isabela sang Negros Occidental. Tuyo sang AFP nga pungan ang malapad nga maniobra sang NPA sa ila taktika nga "gradual constriction" kag "keyhole approach" agud dugmukon ang bug-os nga rebolusyonaryong kahublagan. Bangud kulang ang kusog kag pwersa sang 11th IBPA, 12th IBPA, Scout Ranger kag Division Reconnaissance Company ila man ginpwesto ang 3rd CMO Company nga halin sa Northern Negros sa Barangay Buenavista, Guihulngan kag iban sini nga pwersa

ginkumbinar sa 11th IBPA samtang ang DRC Headquarters ginpwesto naman sa Barangay Cabacungan, Negros Occidental. Kag ang iban pwersa sini gindugang naman sa Sityo Candalanon, Barangay Trinidad, Guihulngan, Negros Oriental. Ang border sang Barangay Sandayao, Trinidad, Tacpao kag Binobohan amo ang gin-constrict samtang ang Barangay Linantuyan, Guihulngan, San Agustin, Isabela kag Barangay Puso, La Castellana amo ang naigo sa "*keyhole approach*" sang militar.

Bangud nagpangatubang gihapon ang militar sang kabudlayan sa pagpugong kag pagdugmok sang Rebolusyonaryong Kahublagan sa Larangan ila man gintukod ang BAYANIHAN FM Radio Station sa Guihulngan City sa pagpaniplang sa pumuluyo paagi sa pagpalapnag sang ila kabutigan kag black propaganda batok sa NPA. Wala gihapon sila nagmadinalag-on sa sini nga lihok. Padayon ang militar nga nagpangsabotahe pareho sa pagpundar sang mga sektoral nga mga organisasyon kag mga asosasyon kag paggamit sang ngalan sang NPA sa panahon sang ila mga operasyon militar sa tuyo nga dakpon kag pasurendiron ang mga lider-masa kag rebong pwersa. Sa baylo, ang pumuluyo padayon kag indi mapunggan nga nagaduso sang mga paghimakas kag aksyon masa kag ang BHB padayon man nga nagabato paagi sa pagtungod sang integradong hilikuton (pagtukod sa base, pagsulong sang

Agraryong Rebolusyon kag nagasulong sang Armadong Paghimakas) nga nakapatuhaw sang mga armas, bala kag mga lohística militar bunga sang mga nalunsar nga mga taktikal nga opensiba. Labi man nga nagadaku ang kusog sang BHB kag Yunit Milisya. Subong man nagdaku, naglapad kag naglig-on ang Baseng Masa tuga man sang pagdaku kag pagkonsolida

sa mga katapuan kag Sanga sang Partido sa sulod sang Hukbo kag lokalidad. Sa sini nga bahin nangin maathag nga napaslaw ang AFP sa ila katuyuan nga wasakon ang NPA sa Central Negros.

Bulan sang Abril-Mayo 2014 amat-amat nga ginpull-out ang mga Peace and Development Teams sa mga nasam-bit nga lugar kag labi nga

nagligwa ang pagmaniobra sang yunit sang NPA. Labi nga nakakonsolida ang bug-os nga Rebong Kahublagan. Nakatigayon sang serye nga pagtuon sang Sandigan nga Kurso sang Partido kag iban pa nga pang-Partido nga pagtuon. Ang YM kag BHB nakalunsar man sang serye sang paghanas Pulitiko-Militar nga naggiya o naghatag ubay sa pagtungod



sang integradong hilikuton ilabe na ang paglunsar sang taktikal nga opensiba nga se-gurado ang kadalag-an sa Pulitika kag Militar. Nakalunsar sang masobra 20 ka taktikal nga opensiba kag nakapatuhaw sang mga armas kag lohística militar. Samtang ang bug-os nga organisasyong masa nagpartisipar sa pagduso sang mga kontra-pyudal, kontra-pasismo, agraryong rebolusyon

sa sulod sang Larangan Gerilya upod sa puting lugar.

Gani sa sulod sang anum ka bulan, January tubtob June 2014, nag-angkon sang kom-prehensibo nga kadalag-an ang bug-os nga Larangan Gerilya. Nagdaku sang 2%-5% ang kata-puan sang Partido nga naang-kon ang kumpyansa sa pagpamuno bangud sang naagum nga konsolidasyon sa Ideolohiya. Nagdaku man ang

kusog sang BHB nga naglab-ot sa 40%-50% nga pag-uswag kag may kapabilidad kag kaisog bunga sang naangkon nga kinaalam gikan sa serye sang mga paghanas Pulitiko-Militar.

Kalutusan ang naangkon sang kaaway sa sahi kag pasistang militar sa deklarasyon sang Conflict-Manageable and Development Ready ang Oriental Negros. Nangin walay kahulugan ang Marching for

Peace sa 5th District sang Occidental Negros nga ginpangunahan ni Governor Alfredo Maraño. Nagdugang lang ini sang galastuhan sa probinsya halin sa kabn sang gobyerno nga seguridad korapsyon ang padunungan sang sini nga lihog. Seguridad man kita nga ang proyekto ni Maraño nga "One Island, One Region" wala sang katumanan bunga sang grabe nga batikos sang publiko kag magbunga sang daku nga bi-ak sa pulitika sa tunga sang Oriental kag Occidental sang Isla bangud sa nagkalain-lain sini nga panindugan kag interes. Ang Burukrasya sa probinsya sang Negros Oriental labi nga nagapamatok sa sini nga proyekto bangud maathag pa sa "sanag sang bulan" ang maitom nga buko ni Maraño nga kontrolon ang poder sa isla sang Negros kag gamiton nga oportunidad sa 2016 nga eleksyon kag pagmentinar sang pagkapoderoso sini sa palaabuton. Dungan man nga nagataghol si Maraño sa representante sa Kongreso sang Partylist nga Abang Lingkod nga si Teddy "Boy" Paduano

alyas Carapali Luwalhati anay kumander sang mersenaryong RPA-ABB. Nagpungko nga Kongresista si Paduano sa kagustuhan sang US-PNoy nga rehimen sa pihak sang malapnagon nga batikos sang pumuluyong Pilipino. Tuyo sang reaksyunaryong rehimen ni PNoy nga ibutang ang ini nga Partylist sa pagsabotahe sa Makabayan block sa kongreso. Ang Makabayan nga bloke damlag pa ginakilala ang ila mahinungdanon nga papel sa pagdampig sa kawsa kag interes sang sahing anakbalhas nga ginahimuslan kag ginapigos sang reaksyunaryong estado.

Dugang pa nga ang Makabayan nga bloke masami makakuha sang public opinion bangud sang sinsiridad sini sa pag-alagad sang lubos sa pumuluyo kag soberiniya sang pungsod. Paagi kay Paduano kag iban pa nga kontra-pumuluyo nga hubon sa kongreso kag iban pa nga sanga sang gobyerno nga maisa ang ila tingog sang pagkatuta upod sa US-PNoy nga rehimen nga iligwin ang lehitimo nga paghimakas sang pumuluyo upod sa MAKABAYAN kontra sa korapsyon, matuod nga reporma sa duta kag pungsodnon nga industriyalisasyon.

Panginpuslan ang Nagapabor nga Kondisyon sa Pag-angat sg Lebel sg Armadong Paghimakas



Ang US-PNoy nga Rehimen wala-tuo nga nagapanagang sa atake sg mga pumuluyo kag kritiko sini sa nagkalain-lain nga isyu sa korapsyon gikan sa DAP kag PDAF sa pihak sg deklarasyon sg Korte Suprema nga unconstitutional; failure sa pag-administrar sa pang-gobyerno sa pihak man sg "matuwid na daan", good governance kag

hambalanon sg "walang mahirap kung walang korap". Dugang pa nga masami ginapabugal sg sini nga gobyerno ang pagdaku sg Gross Domestic Product nga naglab-ot sa 7%. Ginapabugal nya man nga sa palaabuton nga pila ka tinuig nga magtindog kita sa kaugalingon ilabe na sa pag-uswag sg produksyon paagi sa modernisasyon sg Agrikultura. Sa patag sg

militar, pabilin ang slogan sg modernisasyon nga programa sa pagpaseguro sg seguridad sg pungsod kontra sa paglapak sg sobereniya kag insurhensya sa konteksto sg US-Counter-Insurgency Guide kag Oplan Bayanihan.

Sa baylo kabaliskaran ini tanan. Ang mga nahimo nga imbestigasyon sg matag-as nga panalagan sg gobyerno sg Pilipinas, si PNoy upod sa Partido Liberal may daku nga kahilabtan sa pagmani-obra sg korapsyon sa Pilipinas nga ginlimbungan ang pumuluyong Pilipino sa isyu sg DAP kag PDAF. Tundo-buylo nga nagatulod ang ini nga Rehimen nga ipapriso kag pasabton sa korte ang mga Senador, Kongresista kag iban pa nga bukrasya nga kahilabtan sa PDAF nga isyu. Samtang tundo-pangapin naman si PNoy kag mga alipures sini nga sulbaron ang bloke-liberal nga may kahilabtan sini nga pagpangawat sa kaban sg gobyerno kag buhis sg pumuluyo. Sa pagdependa pa sa ila sayop nga kahimuan, ginpabilin pa sa poder sila Alcala kag Abad, kay kuno daku ang nabulig sa pag-

daku sg Gross Domestic Product sa pungsod, sa pihak sg grabe nga pagdenunsyar kag pagbuyag sg mga whistle blowers sa isyu sg PDAF nga iskandalo. Nagresulta ini sg pagnubo sg rating ni PNoy sa pag-administrar sg pungsod kag nagtuga sg daku nga bi-ak sa tunga sg Malacañang kag Korte Suprema. Talalupangdon diri nga paglunsar sg Silent Protest sg Korte Suprema kontra sa Aquino Administration.

Ang pagpaprisko kay Senador Revilla, Estrada kag Enrile nga may dako nga kahilabtan sa multi-bilyonaes nga PDAF scam gusto lang pungan ni PNoy ang pagpanikasog sg oposisyon ukon kontra partido sini nga liwat makapwesto sa 2016 National Election. Sa pihak nga bahin gusto man limbungan ni PNoy ang pumuluyo para i-divert ang isyu sa paghinabon sg grabe nga pagtimbook sg presyo sg bugas nga nagsaka sg 3.00 - 10.00 kada kilo kag iban pa nga prime commodities pareho sg luy-a, sibuyas, ahos kag iban pa. Taliwas sa pamahayag sini nga sa palaabuton nga pila ka tuig magsolubra na ang konsumo

nga bugas sa pungsod kag mag-eksport pa. Talalupangdon man diri nga na-expire na ang tuig sa implementasyon sg CARPer sadtong bulan sg Hunyo 2014 daku pa ang porsyento sg mga kadutaan nga nakakonsentrar gihapon sa mga agalon may duta kag ang kalabanan nga mga mangunguma nga may Certificate of Land Ownership Award (CLOA), ginpangbawi pa. Ang reporma sa duta nga programa sg gobyerno nagpabilin gihapon sa papel nga wala sg mapaabot ang sahing mangun-guma nga makaangkon sg duta kag palangabuhian. Masubo sa tanan kay ang mga mangunguma nga magtindog sg iya direktso para sa duta kag palangabuhian nangin biktima pa sg mga Human Rights Violations sa kamot sang pasistang militar sa ilang tundo-larga nga militarisasyon kag Oplan Bayanihan.

Wala na sg sandigan pa ang pumuluyo kundi ang hugot nga pagpartisipar sini sa Rebolusyonaryong Kahublagan. Ang boluntaryong partisipasyon sang pumuluyo ilabe na sang sandi-

Ipadayon sa pahina 10



Kampanya sa Pagtuon sang Sandigan nga Kurso sang Partido Madinalag-on nga Ginlunsar

Ginsabat sg Komite sg Larangan ang paghatag kasolbaran sa gintumod nga problema sa mahinay nga pagdaku sg katapuan sg Partido gikan sa hanay sg mga abanteng aktibista kag rekrutment sg lubos nga katapu sg Partido gikan man sa hubon sg mga kandidatong katapu sg Partido sa sulod sa Bag-ong Hangaway sg Banwa kag lokalidad. Labi nga nakonsolida ang mga kandidatong katapu sg Partido kag abanteng aktibista paagi sa duha (2) ka serye sa konsentrado nga pagtuon sg Sandigan nga Kurso sg Partido

sadtong bulan sg Mayo kag Hunyo 2014. Trenta y dos (32) ang nakatapos sg pagtuon gikan sa yunit sg BHB kag lokalidad. Sa pihak sg grabe nga operasyon militar sa bug-os nga Larangang Gerilya. Natapos ang pagtuon sa sulod lamang sg matag-apat ka adlaw kag ang ikalima nga adlaw amo ang paghiwat sg programa bilang adlaw sg paggradwar sg BKP. Naupod sa sini nga programa ang ila pagsumpa bilang mga kandidatong katapu kag lubos nga katapu sg Partido kag subong man nagsumiter sg ila kaugalingon sa Partido nga

magtungod sg ila komprehensibo nga hilikuton sandig sa ila masarangan. Handa man sila sa pagpamuno para atubangon ang mga paghangkat sg panahon ilabe na ang paghimos sg mga rekisitos kag pagamot sg ila ikasarang sa pagpadaku kag pagkonsolida sa mga katapuan sg Partido kag Bag-ong Hangaway sg Banwa. Subong man, nagkomiter kag nangin handa sila sa paghatag sg nagakaigo nga panahon sa pagpalapad, pagpadaku kag pagpalig-on sg Baseng Masa padulong sa estratihikong pagkapatas tubtob sa kadalag-an.

Serye sg Paghanas Politiko-Militar sa Larangan Madinalag-on nga Ginlunsar!

Sa tunga sg deklarasyon sang 3rd Infantry Division Philippine Army upod sa panguluhan sang Probinsya sang Negros Oriental nga *Conflict-Manageable and Development Ready* ang bug-os nga probinsya sadtong Mayo 8, 2014 kag paglunsar sang *Marching for Peace in the Countryside* sang 303rd Brigade Philippine Army upod man sa Provincial Government sa Negros Occidental sa 5th District sa sini nga probinsya sa pagpanguna ni Colonel John Aying kag Governor Alfredo Maraño sa rason nga palareho nila nga lubiron ang ila mga kabutigan nga kuno wala na sang ikasarang ang NPA sa Central Negros nga magpakig-away batok sa militar. Gusto lang sang militar nga pahuyangon ang moral sang bug-os nga rebolusyonaryong pwersa sa bug-os nga Larangan Gerilya. Tuyo man sang militar kag gobyerno sang duha ka probinsya nga pahugon kag saywaron ang nagahimakas nga pumuluyo ilabe na ang mga



mangunguma sa kaumahan batok sa kontra-pumuluyo nga mga programa sini pareho sang pagpatindog sang mga minahan, patanom sang kahoy, pinya kag iban pa paagi sa mga transnational kag multinational corporations kag iban pa nga dumuluong nga mga kapitalista.

Sa baylo madinalag-on nga ginlunsar sang Leonardo Panaligan Command—Bagong Hukbong Bayan ang serye sang paghanas pulitiko-militar sa Larangan para atubangon ang isa naman ka unos nga masingki nga militarisasyon sa kaumahan nga masami ginahimo sang pasistang Armed Forces of the Philippines. Ini nga aktibidad maisog nga ginduso sang mga Pulang Kumander upod sa Partido sa Larangan nga mahatagan katumanan kag pursigido nga iduso nga matigayon ini sa pihak sang tudo-larga nga atake sang kaaway bilang sabat sa Resolusyon nga ginbalay sang Kumperensya sang Yunit Milisya sang Larangan sa kumpas kag pagsuperbisa sang Leonar-

do Panaligan Front Operational Command sadtong bulan sang Mayo 2014.

Asud-asod nga ginlunsar ang paghanas pulitiko-militar agud konsolidahon ang bug-os nga Pulang Hangaway sa Larangan nga maarmasan sang dugang nga kaalam kag kapabilidad sa pagpakig-away gerilya para pamatud-an ang paglutos sa Oplan Bayanihan nga kampanya militar sang reaksyunaryong estado partikular sa bug-os nga isla.

Sadtong bulan sang Hunyo 2014, gintigayon ang paghanas sini sa mga Yunit Milisya sa isa ka baryo. Naghatag ini sang dugang nga kinaalam kag kaisog sa pagtungod sang ila integradong hilikuton nga mangin armas sa pagpakig-away gerilya kag magamit sa dugang nga pagpalapad kag pagkonsolida sa baseng masa nga maniobrahan sang mga platoon sang BHB sa sakop sang Larangan. Bulan sang Hulyo 2014 labi nga nabihangan ang militar sa ila mga kabutigan nga deklarasyon kay duha (2) pa ka serye sang paghanas pulitiko-militar sa sulod

sang BHB ang madinalag-on nga ginlunsar. Naglab-ot sa trenta y siete (37) ka BHB ang nakatapos sa sini nga paghanas sa sulod lamang sa duha (2) ka semana. Gintigayon man ang Closing Program serbe graduation sang mga partisipante. Nasaksihan sang mga tumalanaw kag tumalambong sa sini nga programa ang kapasidad sang pagpakig-away gerilya sang mga partisipante matapos nga ila nakita ang pagtabok sang mga tumuluon sa mga *obstacles* nga ginpundar kabin sang ila paggradwar sa sini nga paghanas. Ginhangkat man sang Partido sa iya pagpamulongpulong ang mga Hangaway kag rebong masa nga labi nga paslawon ang Oplan Bayanihan sang US-PNoy nga Rehimen ilabe na ang Marching for Peace kag Conflict-Manageable and Development Ready nga deklarasyon sang kaaway kag burukrasiya sa sakop sang Larangan Gerilya paagi sa paglunsar sang malapnagon nga taktikal nga opensiba. 



MGA BALITA SA LARANGAN

Sa pihak sg masingki nga pagpang-atake sg pasistang militar sa bug-os nga Larangan Gerilya sa Central Negros, nagresulta sg madamo kag lain-lain nga porma sg pagbayolar sg tawhanon nga kinamatarung kag wala pagsunod kag pagrespeto sa kasugtanan nga nabalhag sa CARHRIHL. Suno pa sa militar nga istrikto ini sila sa pag-obserbar sa ginatawag nila nga "Rules of War". Ini nagpabilin lamang sa ilang mga baba kag nagapadayon sa pagtaghol sg ila mga linubid nga kabutigan. Padayon sila nga nagapamahug sa mga inosenteng sibilyan, pagpamilit nga pagpasurender, pagpasaka sg hinimo-himo nga mga kaso sa mga lideres sg mga asosasyon sg mga mangunguma kag pagpapriso sini pareho sa walo ka inosente nga mga katapuan sg Indigenous People sa Barangay San Agustin, Isabela.

Nagapanguna man ang militar sa pagpalapnag kag pagproteher sg iligal nga pagpanahor, pagbaligya kag paggamit sg iligal nga droga

sumpay gikan sa pahina 6

gan nga sahi sa armadong paghimakas kag rebolusyon amo ang basehan sg pagbag-o sang sos-yedad halin sa mahimuslanon kag mapiguson padulong sa sosyedad nga may matuod nga demokrasya kag kahilwayan. Tama ka paborable ang sitwas-yon sa paglunsar sg taktikal nga opensiba nga mapahuyang ang kaaway, makuhaan sang armas kag amatamat agawon ang gahum pulitika sa reaksyunar-yong estado paagi sa malig-on kag isganang Bag-ong Hangaway sang Banwa. Pagkonsolida, pagpalapad kag pagpalig-on sang baseng masa ang sandigan nga basehan sa pagsulong sang agraryong rebolusyon nga ipatuman ang matuod nga re-

pormang agraryo kag pungsudnon nga industriyalisasyon. Ang paggamit sang United Front - Anti Feudal Struggle sa kaumahan nagapalig-on sang aton Nagahiliugyon nga Prente dira sa Bag-ong Hangaway sang Banwa sa sulod sang Larangang Gerilya nga may hugot kag absoluto nga pagpamuno sang Partido Komunista sang Pilipinas. Paagi sini nga mga prinsipyo seguridad nga magaan kita sang lapnagon kag wala'y puas nga kadalagan para sa estratehikong pagkapatas gikan sa estratehikong depensiba. Mag-serbe man ini nga binhi padulong sa Sosyalismo tubtob nga mabalay kag mapaluntad ang tunay nga pungsudnon nga kahilwayan kag demokrasya.



pareho sg "shabu". Sa Guihulngan City, Negros Oriental ang Peace and Development Team sa Barangay Humayhumay amo ang nagapanguna sa pagpatindog kag nagedereher sg bulangan samtang ang Bravo Coy sg 11th IBPA sa Barangay Buenavista amo man

ang nagabakal sg daku nga bulto sg shabu paagi kay Sgt. Tacu nga halin sa San Carlos, Negros Occidental kag syudad sg Cebu nga i-supply sa sulod sg detachment sg 11th IBPA Bravo Coy sa nasambit nga Barangay. Ginaproteheran man sg militar ang pagbaligya sg

iligal nga druga sg isa ka Local Executive sa Guihulngan kag kakunsabo sini nga si Jovannie Lim sg Barangay T-Beach, Guihulngan, Negros Oriental.

Ang kaso sa wala kaluoy nga pagpatay paagi sa pagtiro kay City Councilor Cyrus Fat sg Guihulngan City, Negros Oriental sadtong February 13, 2014 tubtob subong nagpabilin nga

"unsolved" bisan maathag na sa imbestigasyon nga ang utok sa krimen isa ka pulitiko upod sa duha (2) ka skalawag nga kapulisan nga sanday PNP Milgen Bulandres, PNP Fermin Jacobe kag kontra-rebolusyon kag malain nga elemento nga si Tata Nocos. Nga mismo natabo ang kahimuan sg krimen dira lang malapit sa ugsaran sg Bravo

Coy sang 11th IBPA sa Baran-gay Buenavista, Guihulngan. Nagpabilin nga wala'y timik ang AFP, PNP kag awtoridad sa sining hitabu.

Kadungan sg sining mga kalakasan sg PNP kag AFP pilit nga gindeklarar man sg 3IDPA upod sa Provincial Government sa Negros Oriental nga ang bug-os probinsya ara na sa Conflict-Manageable and Development Ready para ganyaton ang mga dumuluong kag dalagkung komprador burgesya nga mag-establisar sg ila mga negosyo sa probinsya bangud minimal na ang problema sa armed conflict kag ang kawsa sg NPA "irrelevant" na kay suno pa sa militar madamo na ang nagsurender kag wala na ang suporta sg masa sa NPA. Samtang sa Negros Occidental partikular sa 5th District gintigayon man sg 303rd Bde PA, 3IDPA sa pagpanguna ni Governor Alfredo Marañon kag ni Col. John Aying ang "Marching for Peace" para pahugon kag saywaron ang mga pumuluyo ilabe na ang mga inosenteng mangunguma sa kabukiran agud pauntaton sa pagsuporta





sa NPA. Ini kabahin lang sg masingki nga militarisasyon sa kaumahan para pahipuson ang mga pumuluyo sa pagpamatok sa madata man nga pagpatalang kag pagpang-agaw sg kadutaan sang mga mangunguma paagi sa ahensya sg gobyerno pareho sa DAR kag DENR agud akomodahon ang mga plano sa negosyo sang Dole Philippines kag iban pa Transnational kag Multinational Corporations para sa pagpalapad sg plantasyon sa pinya, rubber tree, palm oil, mining kag iban pa nga negosyo sg dumuluong monopolyo kag lokal nga burgesya komprador agalon may duta.

Bangud sg wala-untat nga

suporta sg mga pumuluyo sa NPA sa Central Negros, asud-asod nga nakalunsar ang Leonardo Panaligan Command-New People's Army sang mga taktikal nga opensiba nga nakakumpiska sg walo tanan ka armas, 3 ka cellphone, mga magasin kag mga bala. Kapin sa 23 tanan ka kontra-rebolusyon, malain nga elemento, CAFGU, drug users, pushers kag kriminal ang napaidalum sa nyutralisasyon, baryo arrest, destierro kag warning-disarming. Apat man ang nasilutan kamatayon sa mando sang rebolusyonaryong Korte sang Pumuluyo kag isa ka harassment sa detachment nga nagresulta sg ka-

matayon sang 2 ka AFP kag pagkapilas pa sang iban.

Mayo 23, 2014 - Mga 5:00 sang hapon sa border sang Barangay Cansalungon kag San Agustin, Isabela, ginsilotan kamatayon sang yunit sang NPA ang masupog nga Intel Asset sang Barangay Cansalungon 12th IBPA detachment matapos sang 2 ka serye sang pagpaandam sa iya nga si Edgar "Nonoy" Campus. Ang iya amay nga si Ader Campus, 71 anyos nga isa man ka masupog nga asset sg nasambit nga detachment ginpatuman sang NPA ang Destierro nga mando sang rebolusyonaryong Korte sa iya bangud sang *human considera-*

tion bangud sang iya katigulan-gon kag nagamasakit pa.

Mayo 23, 2014 - Alas 10:15 sang aga, ginsilotan kamatayon si CAFGU Lanie Bustamante nga isa ka masupog man nga CAFGU Intel sang Villegas, 12th IBPA detachment, sa Crossing Mambog, Barangay Planas. Si Lanie direkta man nagagiya sa mga operasyon militar kag regular nagareport sa McKinley 11th IBPA headquarters. Durante nga ginsilotan si Bustamante upod niya si *certain* CAFGU "Inoy" sang nasambit nga detachment apang muklat ang NPA nga naghilway kay Inoy bisan isa siya ka Active CAFGU bangud wala man ini sang nakomiter nga mga kaso sa pumuluyo kag wala man ini siya sa Standing Order sa NPA.

Mayo 29, 2014 - Mga alas 6:00 sang gab-i, ginsilotan kamatayon si Nanny Vilar sang sityo Katugisan, Barangay Budlasan, Canlaon City sa kaso sang makahiligni nga pagpatay sa iya utod nga si Toto Vilar sadtong tuig 2009. Si Toto Vilar, ginpatay ni Nanny Vilar paagi sa paglabo kag pagpang-utod-utod sang parte sang iya lawas.

Sa baylo padayon pa ini nga nagapang-agaw sang duta kag pangabuhian sang iya mga katupad kag masami nagapamahug nga kon magreklamo sang iya ginahimo iya pagapatyon kasubong sa pagpatay niya sa iya utod nga si Toto Vilar.

Hunyo 1, 2014 - Alas 10:00 sang aga ginsilotan man si Soting Sandot, lider sang mga Kontra-Rebolusyon Malain nga Elemento, kawatan kag tulisan. Ini nga grupo nagahupot sang mga matag-as nga kalibre sang armas kag ginaprotektahan sang Barangay Budlasan 12th IBPA detachment sa pagpanguna sang ila detachment Commander nga si Sergeant Dionaldo. Gintigayon ang pagsilot kay Soting sa Sityo Inatito, Barangay Bucalan, Canlaon City.

Hunyo 12, 2014 - Mga alas 8:00 sg gab-i, ginharas sg yunit sg NPA ang Barangay Sandayao 12th IBPA detachment. Nagresulta ini sg kamatayon sg 2 ka militar kag pagkasamad sg iban pa. Hungod nga gintago sg militar kag ang ila kaswalidad sa pu-

muluyo. Ginpabarakan sg NPA ang ini nga detachment bilang sabbat sa madugay na nga ginantus sg pumuluyo sa mga kahalitan nga ila nakomiter pareho sg pagpamahug, pagpangkastigo sa sibilyan, palupok, nagdala sg kagamo kag perwisyo sa mga inosenteng sibilyan. Madugay naman nga nagademanda ang pumuluyo sa pagpahalin sini sa ila lugar kay malapit ini nga napahtang sa mga puluy-anan sg mga pumuluyo kag vulnerable ini sa pagpang-atake sg ila pangontra nga malamita ang mga sibilyan.

Hunyo 22, 2014 - Alas 3:00 sa hapon, wala duha-duha nga ginpatuman sg yunit sg NPA ang pagsilot-kamatayon sg pinakamasupog nga CAFGU Intel nga si Jovito Velasco sg Sityo Mandayao Dos, Barangay Mansalanao, La Castellana, Negros Occidental. Si Jovito Velasco masupog nga nagapaniktik sa hulag sa NPA upod sa iya asawa kag kabataan paagi sa paglibod-libod sg mga solang nga mga flashlight, antina, mga kagamitan sa pagpamanday pareho sg marti-

lyo, lagari kag iban pa nga kabahin sg iya pamaagi sa pagpanilag sa lihok sg NPA. Gingamit niya ini nga prente para papatihon ang pumuluyo nga nagpahuway na siya sa CAFGU. Direkta ini siya nga mata sg militar sa lugar nga regular nagareport sa Caba-cungan Military Detachment kag 11th IBPA Headquarters.

Sa sulod sg isa ka bulan, Mayo - Hunyo 2014, nag-ani kita sg mga kadalag-an. Kaan-got sini, lubos tagipusuon nga nagapasalamat ang LPC-BHB Central Negros sa padayon nga suporta sg mga pumuluyo sa CPP-NPA labi na gid sa mga ginikanan nga nagpadala sg ila mga finest sons and daughters nga lubos panahon nga magpasakop sa NPA kag Arma-dong Panghimakas. Kapin 40% ang pagdaku kag paglig-on sg aton hangaway. Padayon nga nagalapad kag nagalig-on ang atong baseng masa kag labaw sa tanan nagadaku kag nagalig-on ang kusog kag pagpamuno sg aton Partido sa bug-os nga rebolusyonaryong pwersa kag hangaway. Sa aton nga hugot nga paghiliusa sa kawsa kag banas sg rebolusyon ginasisa-

hum naton nga magkurit na-man ini sg aton mga kadalag-an serbe kontribusyon sa paglab-ot sg estratehikong pagkapa-tas.

Ginapanawagan sa tanan nga yunit sg BHB sg idalum sang Leonardo Panaligan Oper-ational Command nga maglun-

sar sang lapnagon nga Taktikal nga Opensiba! Arestohon ang tanan nga may kahalabtanan sa ilegal nga druga kag pagpana-hor kag bistahon sa atubang sg Korte sg Pumuluyo kag gilayon nga ipapanaug ang nagakaigo nga silot sandig sa iya nakomiter.

Mga Panghimakas Masa

May 30 - June 1 Ginhiwat ang 3 ka adlaw nga Youth Conference sa Central Negros nga ginpangunahan sang Youth for Peace and Environment Concerns. Gintambungan ini sang 48 ka mga pamatan-on nga school youth kang out-of-school youth. Ang tema amo ang **"Ang nagahiliusang kusog sang pamatan-on amo ang dalan padulong sa matuod nga kauswagan, kahilwayan kag demokrasya."** Nag-unod ang ini nga komperensya sang updates sang sitwasyon sa pamatan-on sa lain-lain nga erya, pagtuon sang CARHRIHL, mga proyekto sang transnational kag multinational corporations nga makahalit sa pala-ngabuhian kag kalikupan pare-

ho sang mining, Delmonte kag Dole. Base sini nga mga isyu naghimo sang Plan of Actions. Ginhatagan man ini sang kabuhi paagi sa paghimo kag pagpresentar sang drama, in-terpretative dance kag kanta.

Sa katapusan nga bahin sa sini nga aktibidad, naghiwat sg eleksyon o pagpili sang mga opisyal sa YPEC District, 5th District, Negros Occidental.

Nagmadinalag-on ang ini nga komperensya kag sa pag-puli sang mga delegates bitbit nila ang programa para sa pag-organisa sang madamo nga pamatan-on sa tagsa nila ka area kag mga eskwelahan para pahulagon sa pagdepensa sa palangabuhian, kalikupan kag kinamatarung.

June 11 - 12, 2014 Naghiliusa nga kusog sang pumuluyo nagbato batok sa mapintas nga paglapas sa kinamatarung sang mangunguma sa duta nga ulumhan sa Sityo Paghidait, Barangay Guinpaanan, Moises Padilla. Ang 10.99 hectares nga talamnan (tripolan) ni Teoping Juanillo ginmaniobra ni Ma. Flor Sagorsor nga masaylo sa iya ngalan ang titulo paagi sa pagpabulig sa iya sg pamilya ni Teoping nga ma process sa VOS ini nga duta. Pero wala ini natigayon nga ma VOS. Ginsukot ni Ma. Flor Sagorsor ang pamilya Juanillo sa ila gasto sa pagprocess sa kantidad nga P300,000.00 pero tungod wala ini sang ibayad, ginpapirma sila ni Ma. Flor Sagorsor sang waiver nga isaylo ang titulo sa ngalan ni Ma. Flor Sagorsor.

Pagkatapos sini, ginpahibalo ang mga saop sa amo nga duta nga pahalina sila sa ila ulumhan kay gamiton ang duta ni Ma. Flor Sagorsor gamit ang Blue Guards 7th Security Agency, Barangay 6 Captain Boy Leanio nga ex-Police, ex-Councilor Agie Leanio sang

Moises Padilla, Master Sergeant Armando Secuya nga Battalion Intel sang 11th IBPA, Efren Dapap - isa ka sibilyan nga ginapaarmasan para pahugon ang mga mangunguma.

Ginpauntat sila sa pag-obra sang amo nga talamnan kag sang ila gin-obra ginkadtuan sila sang PNP Moises Padilla upod sa mga tawo ni Ma. Flor. Ginkuha ang ila hand tractor kag iban pa nga kagamitan kag ginpaandaman nga kon obrahon nila liwat, pangdakpon sila kag pasakaan sang kaso.

Sa pila ka besis nga ginhimo ini sa ila, namuklat sila pa isahon ang ila kusog paagi sa pagtukod sg ila asosasyon upod sa malapad nga pumuluyo nga nagahimakas man para sa matuod nga reporma sa duta.

June 11 ginlunsar ang Fact-Finding Mission kag pagka June 12 gintigayon ang madinalagon nga Bungkalan sa amo nga duta sa pagpanguna sg KMP, IFI, YPEC kag upod man sa nagkalainlain nga mga asosasyon sa idalum sg KMP District. Natigayon nga nabungkal kag natamnan sg humay ang masobra 2 ka ektarya nga talamnan

nga ginpartisipahan sang 65 ka indibidwal. Pagkatapos sang Bungkalan ginpadayon na trabaho sang mga mangunguma ang ila talamnan.

Napamatud-an na sa kaysaysayan nga ang paghiliusa sang sahing anakbalhas amo ang basehan sang kadalagan sang paghimakas.

June 21 Ginlunsar ang 2nd Assembly sang KMP 5th District nga gintambungan sang 73 ka mga delegado halin sa nagkalainlain nga asosasyon sa lain-lain man nga mga banwa sakop sg 5th District. Gintalakay man diri ang kahimtangan sang mga mangunguma sa pungsod kag lokal. Nakatuboy sang bag-o nga opisyal sa district kag nakahimo sang programa base sa kahimtangan sang mangunguma sa distrito.

Ang ini nga asembleya nagapakita sang paghiliusa sang mga mangunguma para batuan ang pagpanghalit sa palangabuhian kag paghimakas para sa tinuod nga repormang agraryo. 

Adlaw sa Paltik nga Kahilwayan Ginsug-alaw sang Malaparan nga Protesta sang mga Pumuluyo

Sadtong Hunyo 12, 2014 ginkomemorar sg mga mangunguma sa Central Negros and adlaw sang paltik nga Kalilwayan. Kapin sa 30 ka mga Baryo sa mga separado nga mga pagtililipon sa sini nga adlaw, mga alas 7:00 tubtob alas 8:00 sg gab-i nga naghimo sg "noise barrage" o pagtuga sg pagginahud paagi sa pagtultog sg mga kaldero, lata, pagbating sg mga salsalon, pag-singgitan, kinanta sg rebolusyonaryong ambahanon kag pahuni sg ila mga budyong nga kon sa diin nagatipon ang mga ini sa masanag nga kalayo samtang nagatuga sg pagginahud. Pagkabati sg iban pa nga mga espontanyo nga mga mangunguma nag-upod man ini sa pagdaub kag nagtuga man sg ginahud sa amo man gihapon nga pamaagi nga nagasabat sa panawagan sg kabug-usan nga pumuluyo sa sakop sg Larangan tanda sg pagprotesta sa inutil nga US-PNoy nga rehimen bangud padayon ini nga nagapatuta sa Imperyalismong Estados Unidos. Nangin maathag nga basehan ang

paglapak sg sobereniya sg pungsod Pilipinas ang pagpatuman sg Enhance Defense Cooperation Agreement (EDCA). Inutil man ang administrasyon ni PNoy bangud wala man ini sg nahimo sa madugay na nga problema sa kawad-on sg pangabuhian, duta kag wala sg repormang agraryo sa baylo nagasingki kag nangin lapnagon ang pagpang-agaw sg duta sa mga mangunguma paagi sa pagpasugot sini sa pagpatindog kag pag-operar sg mga minahan, trans-national kag multi-national corporations sa bug-os nga pungsod. Dugang pa sini ginadala man sg mga mangunguma sa sini kahublagan ang pagpahibalo kag pagdenunsyar sa publiko nga ang rehimeng US-PNoy wala sg panindugan sa grabe nga pagtimbook sg presyo sg petrolyo nga nagtuga sg grabe man nga pagtimbook sg presyo sg mga nagapanguna nga balaklon pareho sg bugas, ahos, bombay, luy-a kag iban pa nga panginahanglanon. Samtang wala untat naman ang iskandalo sa korapsyon sa isyo sg multi-bilyon nga DAP kag PDAF sa

pihak sg deklarasyon sg Korte Suprema nga unconstitutional ini.

Kadungan man sini nga adlaw ang paghiliusa sg kusog sg mga pumuluyo ilabe na sg mga saop sa duta ni Teoping Juanillo sa Sityo Paghidaet, Barangay Guinpanaan, Moises Padilla nga maisog nga ginduso ang BUNGKALAN. Ang liwat nga pagbungkal sg ila duta nga pangabuhian sa pihak sg pagpugong sg mga blue guards, pamilya Sagorsor kag mga alipures sini. Malapit otsenta (80) ka pumuluyo, mga saop kag pamatan-on ang nagpasakop sa madinalag-on nga Bungkalan.

Kaangot man sa panawagan nga PAGPATALSIK SA US-PNOY NGA REHIMEN sa iya pagka-inutil, pabaya, tuta kag utok sg korapsyon sa pungsod sa sini nga adlaw, ang LPC-BHB nagkulminar sg sini nga aktibidad, alas 8:00 sg gab-i ginharas kag gin-isnayp ang 12th IBPA detatsment sa Barangay Sandayao. Kadungan sa pagsabat man sg BHB sa mga reklamo sg mga pumuluyo batok sa militar sa sini nga lugar sa padayon nga pagbayolar sg tawhanon nga kina-matarung sa nagkalain-lain nga porma sg bayolasyon nga mahatagan sg nagakaigo nga hustisya ang mga biktima. Nagtuga ini sg

pagkapatay sg duha (2) ka militar, pagkapilas pa sg duha (2) kag pagpaluhuway sg mga katapuan sg CAFGU.

Pagkasunod nga adlaw, liwat nga nagging-gitan ang mga pumuluyo sa kalipay bunga sg kadalag-an upod ang BHB kag PKP sa Larangan. 

Dili Babag ang Katigulangon sa Pagpasakop sa Bagong Hukbong Bayan

Nagkataas na ang halintang sa banggianay sa sahi ug tungod niini nagdag-sang ang nagsalmot sa pakigbisog pinaagi sa duha ka porma nga mao ang parliamentaryo ug armadong pakigbisog. Sa hanay sa Bagong Hukbong Bayan sa kabanikanhan makita ang mga kabatan-onan nga walay pagduhduhang nagpatapu sa tinuod nga sundalo sa pumuluyo. Kadaghanan kanila naggikan sa hut-ong mag-uuma, mamumuo ug petiburgesya sa kasyudaran tungod nakita nila ang ilang dakung yaweng papel sa pag-asdang sa bag-ong tipo sa Demokratikong Rebolusyon sa Katawhan nga may Sosyalistang perspektiba ug usa na niini si Kaubang Vador.

Si Ka Vador naggikan sa hut-ong mag-uuma, minyo, may tulo (3) ka mga anak - 1 baye ug duha ang. 58 anyos na si Ka Bador apan dili babag kaniya ang iyang pangidaron para isulong ang interes sa malapad nga masa ug musalmot sa nanguna ug desaysibong porma sa pagkigbisog; ang armadong pakigbisog.



Baho ug dunot nga sistema sa nasud mao ang nagtukmod sa bung-aw sa grabeng krisis pang-ekonomiya. Hinungdan nganong ang usa ka pamilya magkalisod ug magkatibulaag. Naningpalad si Ka Vador sa laing isla para mag-obra sa construction apan tungod sa kaku-lang sa sweldo ningbalik siya sa ila ug nag-uma sa gamay niyang luna para ibuhi sa iyang pamilya. Nangin sulundon nga amahan sa iyang mga anak ug maayo nga bana sa iyang asawa tungod bisan unsang kapit-os sa panginabuhi ang ilang nasi-nati, napakaon niya tatlo ka beses matag adlaw ang iyang pamilya nga wala'y pagpanikas sa uban. Ang pamuo sa kampo mao ang madali nila nga panginabuhian ug kita sa ilang lugar nga bisan sa sobrang bug-as sa init ug ulan gi-antus aron lang mabuhi.

Gibun-ag ang Ikaduhang Dunganong Kalihukang Panul-id niadtong sayong bahin sa dekada 90 tungod sa siste-matikong pagtursi, sa mga tray-dor, sa linya sa Partido. Kanhi siya nga katapuan sa Yunit Milisya sa ilang baryo niadtong 1980s ug sa panahon sa

pagpanul-id, subli siyang nalin-yahan sa kalihukan. Sa gihapon nangin aktibong katimbang sa Hukbo ug sa taas nga panahon ni Ka Vador sa lokalidad, nakompleto niya ang mga Kur-so sa Pambansang Demo-kratikong Paaralan (PADEPA) ug sa ulahi, tungod kay pasado na siya sa rekesitos, nakakuha siya sa pagtuon sa Bata kang Kurso sa Partido ug nisumpa pag-usab isip kandidatong katapo sa Partido. Sa wala'y kataka, madinuotong nagpartisipar sa mga tahas isip YM sa baryo nga kabahin sa pamunuan diha sa lokalidad nga sa diin nagluntad ang Re-bolusyonaryong Gahum Pam-

pulitika nga mao ang ninggitib nga binhi sa gobyerno diha sa kaumhan.

Ningtumaw ang pakigbisog tungod sa grabeng banggianay sa hut-ong ug wala'y kulukaluoy nga pagpahimulos ug pagpani-kas sa pipila ka mga naghari nga hut-ong alang sa ilang kabulahanan. Ang Partido mao ang absolutong namuno sa BHB nga giniyahan sa teoryang iwag nga Marxismo-Lenninismo-Maoismo. Nangunang papel sa hukbo mao ang pagdugmok ug pag-ilog sa gahum pampulitika sa reaksyunaryong gobyerno. Bisan sa pangidaron ni Ka Va-dor, determinado siya'ng nagpatapu sa hukbo ug nanumpa nga ihalad ang nahi-bilin niya nga mga tuig sa pag-alagad sa katawhan.

Taas nga pundasyon sa ideolohiya ug kamuklatang pampulitika mao ang nakapai-sog ni Ka Vador. Lig-on nga lawas ug huna-huna nga man-gin pagsik sa mga pagtuo ug paghanas pulitiko-militar. Him-sog ug abtik ang iyang paglihok sa pagtungod sa nagkalain-laing porma sa gimbuhaton ug mga tahas isip hukbo nga may makamasang gawi ug diwa. 





ANG HUKBO

ni Ka Shiela

Sang nakita ko ang mga kaupod
ako nalipay sa ila pagtamod
sa paghatag sang giya kag disiplina

Diri ko nakita ang matuod-tuod nga hukbo
nga sa tanan nga pag-estorya pwerte ka lolo
kag gina-alagaran ang pigos nga pumuluyo
kag wala sang pagpangduhaduha
nga magbuwis sang kabuhi kag dugo

Gani ako nagahanga sa hukbo
sa ila determinasyon sa tagsa-tagsa ka trabaho
sa paghatag sa bug-os nga kabuhi para sa masa
para mahilway kita sa nagaharing sistema

PAGPANGLAKATON

ni Ka Abra

Sang ako nagdesisyon magsulod sa Hukbo
ginpamensar ko danay sa libo ka pilo
kun sa akon pakadtuan akon lang masarangan
kag ang ila pangabuhì akon lang maintiendihan

Sa pagpanglakaton namon sa dalanon
nagsulod sa akon pamensaron
ang kadanlog sang dalan kung kagab-ihon
kag ang kakapoy sa pagpanglakaton

Apang ginhambal ko sa akon kaugalingon
nga ang tanan nga kasakit kag
kabudlay akon sarangon
kay ang pareho ko nga pamatan-on kinahanglanon
sa pagbag-o sang pungsod kag palaabuton

Gani ang hangkat ko sa mga pamatan-on
ang kabudlay kag sakripisyo indi pagpamensaron
kay ang mga traydor sa Rebolusyon dapat pukanon
kag dapat naton tanan isulong
ang aton mga kinamatarung



TOUR OF DUTY

ni Ka Eman

Kami ang bag-ong mga TOD
sa bukid kami permanente
sayo sa kabuntagon
sa OD kami pukawon
sa armas kami padal-on
sa plasa kami padayon

Oras sa among tingpangaon
among rasyon simulan kagahapon
baboy ang among sud-an
langka ang among utan
sa sabaw kami dungagan
padanlog sa among tutunlan

Oras sa among katulugon
likit lumboy ang among talabak-on
higda sa higdaanan
walay banig walay ulunan
maghig dang magtikungkong
tulog lang gihapon

Mag-edad dieciocho
magtuon ko pag-ayo
inig abot sa pila ka bulan
fulltime akong padulngan

SA YUTA, MAG-UUMA IKAW NABUHI!

ni Ka Bastian

Kahait ug kasakit ang kainit sa adlaw
kalyo sa kamot hinungdan sa daro ug karabaw
handom niyang sinakong produktong mapatumaw
sa napulo ka sakong ani duha ang mutumaw

Gisulay ang bagyo'g kusog nga ulan
samtang sa yutang pangabuhian wala'y kasiguruhan
gipakataw-is ang pagtikad sa yuta ug gipangabudlayan
kabataang lamhad ang edad damgo sa eskwelahan

buntag ug hapon sa yuta siya nag-ugmad
pagpanagtag sa Hasyenda Luisita
si Cojuangco-Aquino nagbalibad
bathala para kay kinsa man
ang yutang libu-an ka tuig gitikad?
nganong sa papel ang matuod balikad?

libu-an ka milyong pilipino sa yuta naninguha
gipaagay nga daw tubig nga luha, dugo ug singot sa yuta
gisakripisyohan sa lawas nga hago sa uma
ang ginansya sa kapitalista
oh! mag-uuma sa kasaysayan ikaw ang tigtuga!



DOLE

*tuno: Just Give Me a Reason
ni Ka Gretchen*

I

Sukad nag-abot ning programa
pwerte ng lisoda
daghang tawo ang naapiktuhan
kapitalista nagpinagusto
katawhan nag-antus
sa ilang binuhatan

II

Gusto ninyo duta sa tawo
agud mainyo
unsaon na lang ang pumuluyo
nga nag-antus
sa atung sistema karon
kung wa na'y duta nga kwaan
duta nga kwaan

Chorus:

Tagae mi'g rason nganung pigado gihapon
wa na'y lain mahimo ang tawo
kundi magrebolusyon
naglisod mi sa amoang sitwasyon
angay ba'ng magpahimulos ra ta
sa nagharing sistema

III

Bisa'g ingon lang mi ani padayon
gihapon sa amoang pakigbisog
kung kamo indi madala sa amoang estorya
wala kami mahimo kundi makig-gyera
(*balik sa 2nd stanza & balik sa chorus*)

nganong magpahimulos ra
maisa di-ay ta agud
mapamatukan ining sistema
di lisod ang kabuhi
kung wala'y korapsyon
maayo pag mag-usa ta ani
karon dayon...REBOLUSYON
(repeat chorus)





Ang ^{Ang Budyong} ~~Budyong~~ ginabantala sa lingwahe nga Hiligaynon kag Cebuano isa ka bes sa kada tatlo ka bulan. Nagabaton ang Ang Budyong sa mga kontribusyon sa porma sang mga artikulo, balita, kanta, tula, pictures, drawings kag mga malip-ot nga mga rebolusyonaryong istorya.

Ginabuyok man ang bumalasa nga magpaabot sa mga saway kag rekomendasyon sa ikauswag sa atong pahayagan. Malab-ot kami paagi sa email sa:

angbudyong@gmail.com

